



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Basilicae S. Mariae. Maioris De. Vrbe A. Liberio. Papa. I.  
Vsque Ad. Pavlvn. V. Pont. Max Descriptio. Et. Delineatio**

**Angelis, Paolo de**

**Roma, 1621**

Cap. IV. De secunda interna sacelli parte.

**urn:nbn:de:hbz:466:1-13873**

DE SECUNDA  
 INTERNA SACELLI  
 PARTE.

Caput IIII.



SECUNDA pars ad Orientem respicit, in cuius medio Pij V. nobile sepulchrum renidet, nonnullis illo Pontifice gestis, in marmore exculptis. Quia verò celebre existit, id caput ei assignabimus; in sequenti reliqua ad hanc partem spectantia tradentur. Ac ut à pavimento ordiamur, huic primi focci nituntur ex coruina compositi. Alter verò ex lapide aureum textile referente, bases, Parastadae, & Cymatium ex pario marmore; spatium alabastritis occupat. Inter parastadas interuallum ex indice lapide, constat, velut etiam quadrati spatium, vbi talia adsunt.

PIVS QVINTVS GENTE GISLERIA BOSCHI IN LIGVRIANATVS, THEOLOGVS EXIMIVS, A PAVLO TERTIO IN INSVBRIA HÆRETICÆ PRAVITATIS INQVISITOR, A IVLIO III. S. INQVIVISIONIS OFFICII COMMISSARIVS GENER. A PAVLO IV. EPISCOPVS SVTRINVS, DEINDE S. R. E. D. TIT. S. MARIAE SVPER MINERVAM PRESB. CARD. ET A PIO IV. ECCLESIAE MONTISREGALIS IN SVBALPINIS ADMINISTRATOR FACTVS, EO VITA FVNCTO, SVMMO CARDINALIVM CONSENSV PONTIF. MAX. CREATVR, QUI VETERES SANCTOS PONTIFICES ÆMVLATVS, CATHOLICAM FIDEM PROPAGAVIT, ECCLESIASTICAM DISCIPLINAM RESTITVIT, TANDEM GESTARVM RERVM GLORIA CLARVS DVM MAIORA MOLITVR, TOTIVS CHRISTIANAE REIPVBLICAE DAMNO NOBIS ERIPITVR. K. A. L. M. A. II. M. D. LXXII. PONT. ANN. VII. ÆTATIS SVÆ LXVIII.

SELINVM TVRCARVM TYRANNVM, MVLTIS INSOLENTEM VICTORIIS, INGENTI PARATA CLASSE, CYPROQ. EXPVGNATA, CHRISTIANIS EXTREMA MINITANTEM, PIVS V. FOEDERE CVM PHILIPPO

A HISPANIARVM REGE, AC REPVBL. VENETA INITO, M. ANTONIVM COLVMNAM PONTIFICIAE CLASSI PRAEFICIENS, AD ECHINADAS, HOSTIBVS XXX. MILL. CAESIS. X. MILL. IN POTESTATEM REDACTIS, TRIREMIBVS CLXXX. CAPTIS. XC. DEMERSIS. XV. MILL. CHRISTIANIS A SERVITVTE LIBERATIS, PRECIBVS, ET ARMIS DEVICIT.

B GALLIAM, CAROLO IX. REGE PERDVELLIVM, HAERETICORVMQVE NEFARIIS ARMIS VEXATAM, VT DE REGNO, DEQVE RELIGIONE ACTVM VIDERETVR, PIVS V. SFORTIAE COMITIS S. FLORAE DVCTV, MISSIS EQVITVM, PEDITVMQVE AVXILIARIBVS COPIIS, PERICVLO EXEMIT, HOSTIBVSQVE DELETIS VICTORIAM REPORTAVIT. REGI REGNVM CVM RELIGIONE RESTITVIT, SIGNA DE HOSTIBVS CAPTA AD LATERANENSEM BASILICAM SVSPENDIT.

Columnarum Basæ ex pario marmore, condita; quadratorum verò tæniæ ex lyncurio. Zophorus ex rubra glareæ; fastigium, parium marmor constituit. At Pij V. statua pernobili loculamento reposita, ex Carriensi marmore est condita ad 12. palmorum altitudinem, sedentis speciem proponens, illustri arte fabricata, sub qua hæc verba præfulgent.

PIO QVINTO PONT. MAX.  
 EX ORDINE PRÆDIC.  
 SIXTVS QVINTVS PONT. MAX.  
 DE ORDINE MINORVM  
 GRATI ANIMI MONVMENTVM  
 POSVIT.

Ab huius dextera Marcus Antonius Columna cernitur, è Pij V. manibus Vexillum naualis Præfecti aduersus Turcas, pro Ecclesia suscipiens, quibus devictis Romam triumphans redijt, ex albo marmore in quadrato loculamento, atque cælato opere. A læua in perfimili loculamento Pius V. apparet sanctæ Floræ Comiti Generalis Præfecti sceptrum præbens pro Caroli Noni Francorum Regis aduersus Vgonottos defensione de quibus postea triumphans Romam est reuerfus, eadem materia, atque opere composita. Supra Pij V. statuam Zophorus vna cum corona monumenti latitudinem am-

*16. Ant. Gabut. 4. cap. 2. in vita Pij Quinti. et lib. 5. cap. 8. & 15.*

*Gabut. lib. 2. c. 9. & lib. 5. c. 15. Vide etiã Strin-gam. & Oonaph. in vita Pij Pa-pæ Quinti.*

plectitur ; huic nobile quadratum adhaeret A drato Vgonottorum strages Carolo Nono  
 duabus Cariatidis conclusum secundam Co-  
 ronam sustinentibus, quibus alia duæ succe-  
 dunt eodem modo condita, & in sepulchri  
 extremis collocata, & historiam continet  
 Pij V. coronam suscipientis die xv. i. I.  
 nuarij, S. Antonij Abbatis festiuitate, anno  
 1566. A dextra huius historiarum victoria na-  
 ualis cernitur, quam Christiani de Turcis  
 reportarunt, nunquam similis perspecta. Quæ  
 omnia ex albo, & calato marmore diligen-  
 ter confecta existunt. A laua persimili qua-

*Gabul. lib. 1. c. 9.  
 Marc. Ant. Mu-  
 tet. Orat. 10. in  
 reditu ad Vrbem  
 Marc. Ant. Col.  
 post Turcas Na-  
 ualis praelio uis.  
 Io. Ant. Gabul.  
 in uita Pij V. l.  
 5. c. 4.  
 Gabul. l. 2. c. 9.*

